

# 皇明詠化類編

冊二  
百五十八

宗儒齋  
諫諍


典籍

慶賞

漢書門			
四	九	二	八
冊	架	函	號

內閣文庫			
八	八	漢	
函	函	書	
三	四		
二	九	號	類
架	冊		

內閣文庫			
番號	漢	8866	
冊數	49	(32)	
函號	286	182	





皇明沐化類編崇儒齋之卷

崇儒齋卷之一百五

洪武元年戊申冬十一月以孔希學

字士襲封衍聖公

授資善大夫希學父克堅孔子五十五代孫也克堅字

璟夫性敏學博善詩辭尤精樂府元至正元年襲衍聖

公尋賜銀章攝太常卿治書侍御史山東廉訪使集賢

院學士禮部尚書以時亂謝病歸及是

太祖手詔起入朝待以賓禮不名不煩以政郊社致膳歲

致祿庚戌太祖召至謹身殿問年克堅對曰臣今五

十三歲上曰我看你是有福快活的人不委付你勾

當你常常寫書與你的孩兒我看他資質也溫厚是成

家的人你祖宗留下三綱五常垂憲萬世的好法度你  
家裏不讀書是不守你祖宗法度如何中你老也常寫  
書教訓倦怠情了於我朝裏你家再出一箇好人呵不  
可克堅頓首謝默識而出書為軸尋以疾告

上遣中使日再存問疾篤詔乘傳還賜白金雜綵克堅陛  
辭因奏云臣將主上戒諭備細寫將去了

上大喜之曰道與他少吃酒多讀書行至邳州新安驛卒  
子九人皆有行誼長希學元至正五年襲衍聖公至是  
授資善大夫襲封仍賜官屬管勾典藉司樂各一人  
洪武六年夏四月戊子以孔克表為翰林脩撰兼編脩  
克表溫之平陽人孔子五十五世孫也長身美髭鬚博

學篤行善屬文尤精於史學至是以薦授今宿

是年秋九月二十九日衍聖公孔希學入朝

服

闕也勅中書省致廩餼及從人皆有賜仍賜希學

藤

衣冠帶靴鞋等

太祖召問年對曰臣年三十有九上又問曰今去爾祖  
歷年幾何對曰近二千年上曰年代雖遠而人尊敬  
如一日者何也為祖宗明經常興禮樂正彝倫所以為  
帝者師為常人教傳之萬世其道不可廢也其爾祖無  
所不學無所不通故得為聖人如問禮於老聃學琴於  
師襄之類此學無常師非特如此楚昭王得一物其大  
如斗其赤如日其甜如蜜衆皆不知遣使問於爾祖爾

祖對曰此萍實也問何以知之荅曰昔吾聞諸童謠云童子之言爾祖尚記之不忘况道德之奧者乎今爾為襲封爵王上公不為不榮以此非爾祖之遺蔭歟朕以爾孔子之裔不欲於流官內銓注以政事煩爾正為保全爾也若不讀書孤朕意矣且人年自八歲至弱冠多昏蒙未開不肯向學自壯年有室血氣正盛百為皆亦無暇學邇年近四十志慮漸凝定見識漸老成正好讀聖人之書親近明師良友蚤夜講明道誼必期有成四方之人知爾之能俱來執經問難且曰此無愧孔氏子孫者豈不美歟克學頃首受命出遂脩書裝軸設置中堂誓於脩身繕性日致其功而不敢有負聖恩云

洪武十七年春正月以孔訥襲封衍聖公訥字言伯魯學之子篤學恭謹能詩書工篆法律身嚴恪終始不渝十六年以中宮崩赴祭孝陵事竣入見

太祖顧謂廷臣曰孔訥真聖人子孫也命館於大學遣尚書劉仲質勞問日繼庖廩賜衣服鈔錠至是受封命禮官以大樂道至大學仍賜襲衣宴於禮部時吏部擬誥仍用資善大夫階上曰既爵勿事散官但誥以織金文玉軸為異耳遂著為令每歲入覲得給符乘傳班序文臣之首御製誥文曰五帝三王之道燦然明白人所共由至周衰道微而諸家異說並興天下莫知所宗獨先師孔子刪述六經縉維斯道使萬世而下有所依據

其功尚矣故天鑒有德廟祀無窮子孫弘衍世有其爵  
前衍聖公希學嬰疾奄逝爾訥為其嫡長子服闋采朝  
今特令爾襲其封爵以奉先師之祀敬哉

洪武十八年丙寅冬十一月勅工部臣依例釋聖賢之  
後在翰作者先是翰林待詔孔希善言孟氏子孫有以  
罪翰作京師者二人上曰大賢之後雖有罪亦當屈法  
以宥之立命蠲其後至是諭工部臣曰孟子傳道有功  
名教歷年既久子孫甚微近有以罪翰作者朕聞即命  
釋之假令朕不知之或至死亡則賢者之後寢以微滅  
是豈禮先賢之意哉爾等宜加詢問凡有聖賢之後在  
翰作者依例釋之

洪武二十年戊辰冬十月壬子以顏楷為漂陽縣丞楷  
顏子五十八代孫也

建文二年庚辰以孔公鑑襲封衍聖公公鑑字昭文諡  
之子也生而岐嶷長益端誼至是以襲爵尤嗜學不懈  
四年卒 成祖初即位遣使諭祭

永樂四年丙戌春以孔諤為春坊左中允是年詔式一  
榜舉子賜冠帶讀書大學上曰孔諤聖人後也遂授是  
職

永樂十五年丁酉夏重脩孔廟成秋九月十九日立石  
成祖親為文以紀之詳絲綸廟在曲阜闕里時廟宇年久  
漸弊弗稱瞻仰上即命有司撤其舊而新之至是工完

皇明化類編 卷之三十一  
永樂二十二年甲辰冬十一月特旨賜衍聖公孔彥紹  
一品金織衣先是禮部尚書呂震言於上曰衍聖公  
取二品如旨賜之過矣仁宗曰朝廷用孔子之道治國  
家天下今孔子之徒往官有一品服者孔子之後襲承  
先師之祀服之何過且先帝時五品儒臣有賜二品服  
者其賜之用稱朕崇儒之意

洪熙元年乙巳賜衍聖公第於東安門北

宣德元年丙午春正月命給孔顏孟三氏子孫道理費  
先是三氏子孫十人來朝至是辭歸上謂禮部尚書  
呂震曰朝廷待賢當厚三氏後皆聖賢子孫其給道里  
費又謂震曰孔顏孟三氏舊設教官訓其子孫必選端

厚有學行者

正統元年丙辰秋七月順天府推官徐郁請褒崇道學  
從之詔於周程張朱諸儒子孫各選聰明俊秀可教養  
者不拘名數送所在儒學讀書仍給之廩饌時加提調  
務獲成效以繼先業若有資質端莊才識可用者有司  
從實奏聞毋得怠延有負崇重先賢之意欽哉

景泰二年辛未上幸大學特召率三氏孔顏孟子孫觀  
禮賜冠帶錦衣

景泰三年壬申賜衍聖公三臺銀印玉帶麒麟襲衣

景泰五年甲戌春孔公恂舉會試聞母憂上知之命翰  
林給紙筆俾就殿試賜進士出身仍令終制服闋起為

禮科給事中後擢少詹事兼左諭德輔

憲廟於東宮公恂字宗文按雙槐歲抄云宣聖五傳曰順者魏封文信君二傳曰鮒者秦封魯國文通君其後侯於漢進封公唐襲封文宣公宋南渡改衍聖公金又增世襲曲阜令元因之我朝洪武初詔並如舊仍免孔氏差發

景泰六年乙亥贈孔承慶襲封衍聖公承慶彥縉子也幼穎敏而恪年六歲有母太夫人之喪奉父及繼母盡孝既長從三氏學錄族祖克宴李所著有禮廷吟葉行於世未受爵而卒至是贈封子二人弘緒弘泰是年以弘緒襲封衍聖公弘緒字以敬早失怙年八歲景皇

帝召見賜帶冠服於東角門至是承爵賜玉帶以軀小夫一鈔授之俾藏焉又賜金謹禮崇德圖書勅族人共保護之英宗復辟入朝召見便殿

上置諸膝握手與語久之以賜宅秋監改賜大宅緒嘗奏給三氏教授印開生員歲貢格蠲孔氏田租十七成化六年坐事削爵廷議相傳古今通義請如宋若虛若蒙故事命其弟弘泰襲封後仍歸其子弘緒至弘治十一年因御史言仍與官帶家居

景泰七年丙子以濂溪嫡孫周冕世襲翰林院五經博士冕子縉承襲按先生二子次壽燾生續續生政鄉而冕即政鄉之派今奉道州祠云

冕字得中郡志稱其孝友勤齊好善

成化六年庚寅以孔弘恭襲封衍聖公弘恭字以和弘  
緒坐奪爵廷議以弘恭襲封從之弘恭美風儀善論猷  
每評騭人曲直甚確及料事成敗多中一日入見  
上問曰二品焉得玉帶束乎對曰臣家門故事累朝恩數  
不敢廢也十三年加廟祭禮樂率族人奉表入謝嗣公  
凡四十有四年而卒

弘治六年癸丑以孔彥繩為翰林五經博士世襲主衢  
廟祀先是正統初浙江僉事彭貫奏宋衍聖公孔端友  
從高宗南渡留居衢州遂以衢州為闕里子孫仍世襲  
衍聖爵號入元始廢遺祭田五頃當給賜詔如所請至  
是守臣又言端友遠孫彥繩嫡派也請世官之以主祀

遂有是命

弘治十六年癸亥以孔聞韶襲封衍聖公聞韶字知德  
弘緒子也國於孔氏有世授曲阜知縣洪武八年始以  
孔克仲為之又有世授三氏學錄宣德七年始以孔克  
晏為之自是不廢

曾子之後尚未有詳因閱名臣言行錄有魯魯字得之  
云孔門弟子邴王五十七代孫江西新淦人年七歲能  
暗誦九經一字弗遺後成立負大名然則追念曾子之  
裔者何弗之考歟姑述此以俟云

崇儒裔卷之一百五

終



皇明洙化類編典籍之卷

皇明洙化類編典籍之卷一百六  
丙午夏五月  
太祖一日召侍臣詹同等謂之曰三皇五帝之書不盡傳  
於世故後世鮮知其行事漢武帝購求遺書而六經始  
出唐虞三代之治始得而見武帝雄才大畧後世罕及  
至表章六經開闡聖賢之學有功于後世又曰吾每于  
宮中無事輒取孔子之言觀之如節用而愛人使民以  
時真治國之良規萬世之師法也同等頓首曰聖言是  
上遂命有司訪求古今書籍藏之秘府以資覽閱  
洪武二年己酉春二月詔修元史先是

皇明洙化類編典籍之卷

典籍卷之一百六

丙午夏五月

以集

太祖一日召侍臣詹同等謂之曰三皇五帝之書不盡傳  
於世故後世鮮知其行事漢武帝購求遺書而六經始  
出唐虞三代之治始得而見武帝雄才大畧後世罕及  
至表章六經開闡聖賢之學有功于後世又曰吾每于  
宮中無事輒取孔子之言觀之如節用而愛人使民以  
時真治國之良規萬世之師法也同等頓首曰聖言是  
上遂命有司訪求古今書籍藏之秘府以資覽閱  
洪武二年己酉春二月詔修元史先是

皇明洙化類編

典籍卷之一百六

皇明通志卷之二十一  
上謂廷臣曰元雖亡國事當紀載况史紀成敗示懲勸不可廢也遂以所得十三朝實錄命書左丞相宣國公李善長為監脩前起居注宋濂漳州通判王禕為總裁徵山長遺逸之士汪克寬等十六人同纂修開局天界寺取元經世大典諸書以資參考云將成詔先成者進闕者俟續采補

是年秋七月遣儒士歐陽佑等往北平等處采訪故元一統及至正事蹟三年春二月詔續脩元史時佑等還朝

上仍命濂等總裁以儒士趙燠等十四人同纂修是年七月續修元史成計五十有三卷紀十志五表二

列傳二十六通前共二百一十二卷濂等率諸儒以進詔刊行之授諸儒士張宣等官趙燠朱世濂乞還里許之

洪武二年庚戌冬十二月辛酉大明志成先是命儒士魏俊民黃箎劉儼丁鳳鄭思先鄭權六人編類天下州郡地里形勢降附始末為書凡天下行省十二府一百二十州一百八縣八百八十七安撫司三長官司一東至于海南至瓊崖西至臨洮北至北平至是成命送秘書監鈔頒行俊民等皆授以官

洪武四年辛亥秋七月辛亥存心錄成

上覽之謂諸儒臣曰朕觀歷代賢君事神之道罔不祗肅

故百靈效祉休徵類應及乎衰世之君罔知攸敬遠天慢神非惟感召災譴且禍亂亦由是而朕為是惧每臨祭必敬惟恐未至故命卿等編此書欲示鑒戒夫本可以鑒形古可以鑒今是編所為善惡豈以行之乎今將俾子孫永為守法

洪武六年癸丑春祖訓錄成是錄也目凡十有三曰箴戒曰持守曰嚴祭祀曰謹出入曰慎國政曰禮儀曰法律曰內令曰內官曰取制曰兵衛曰賞繕曰供用上親為之序因謂侍臣曰朕著祖訓錄所以垂訓子孫朕更歷世故創業艱難嘗慮子孫不知所守故為此書日夜以思具悉知慮細詳六年始克成編後世子孫守之

則永保天祿矣遂頒賜諸王具錄于謹身殿東廡及乾清宮東壁仍令諸王書于王宮正殿內宮東壁以時觀省參閱御製序云朕觀自古國家建立法制皆在始受命之君當時法已定人已守是以恩威加于四海民用平康蓋其創業之初備嘗艱苦閱人既多歷事亦熟比之生長深宮之主未諳世故及僻處山林之士自矜已長者甚相遠矣朕幼而孤貧長值兵亂年二十四委身行伍為人調用者三年繼而收攬英俊習練兵之方謀與群雄並驅勞心焦思慮患防微近二十載乃能剪除強敵通一海宇人之情偽亦頗知之故以所行與群臣定為國法革胡元姑息之政治舊習汙染之徒民且群

雄之強盛詭詐之艱服也而朕以服之民經世亂欲度  
兵荒務習奸猾至難齊也而朕以齊之蓋自平武昌以  
來即定擬着律令損益更改不計編數經今十年始得  
成就頒而行之民漸知禁至於開導後人復為祖訓錄  
一編立為定法大書揭于西廡朝夕觀覽以求至當首  
尾六年凡七謄纂至是方成豈非難哉蓋俗儒多是古  
非今奸吏嘗舞文弄法自非博採衆長即與果斷則被  
其眩惑莫能有所成也今命禮部刊印成書以傳永久  
允我子孫欽承朕命無作聰明亂我已成之法一字不  
可改易非但不負朕垂法之意而天地祖宗亦將佑于  
無窮矣嗚呼其敬戒之哉

是年春三月昭鑒錄成先是命禮部尚書陶凱主事張  
籌等採摭漢唐以來藩王善惡可為勸戒者為書會勤  
出纂行省編緝未成乃復召秦王傅文原吉翰林編脩  
王撰國子博士李叔允助教朱復泰府錄事蔣子杰等  
續脩至是書成繕寫為一卷太子贊書大夫宋濂為之  
序以進賜名昭鑒錄遂頒諸王

上謂原吉等曰朕于諸子嘗切諭之一舉動戒其輕一言  
笑斥其妄一飲食教之儉恐其不知民之饑寒也嘗使  
之少念饒寒恐其不知民之勤勞也嘗使之少服勤勞  
但人情易至於縱恣故令御等編輯此書不時將進說  
知所警戒然趙伯魯之簡樸淮南之招客過猶不及皆

皇明太祖高皇帝  
非朕之所望也

洪武七年甲寅夏五月丙寅朔纂修大明日曆成先是翰林學士承旨詹同奏言

陛下起兵渡江以來征討平定之績禮樂治道之詳雖有紀載尚未成書之編日曆藏之金匱傳於後世從之即令同與侍讀學士宋納為總裁官脩之自

上起兵臨濠至六年癸丑冬十二月止凡征伐次第禮樂沿革刑政施設群臣功過四夷朝貢之類無不具載至是書成共一百卷命藏之金匱副在秘書監命宋濂為序久之同等又請于

上曰日曆藏之天府人欲見之有不可得臣請如舊太宗

貞觀政要分類更輯為書以傳天下後世從之於是自敬天以至蠻夷分四十類凡為五卷總四萬五千五百餘言賜名皇明寶訓自後凡有聖政史官日紀隨類增入

是年冬十一月孝慈錄成時孫貴妃薨詔廷臣議禮太祖以父服三年父在為母則期年低昂太甚於是議以子為父母庶子為其母皆斬衰三年嫡子庶子為庶母皆齊衰杖期遂著為制

洪武十二年己未秋八月乙酉編春秋本末成先是上以春秋本諸魯史而列國之事錯見間出欲究其始終則難于考索乃命東宮文孝傅藻等纂錄分列國而類

聚之附以左氏傳首周王之世以尊正統次魯公之年  
以仍舊文列國則先齊晉而後楚吳所以內中國而外  
夷狄也事之始終秩然有序至是成遂賜今名云

洪武十三年庚申寰宇通衢書成先是

上以輿地之廣不可無書以紀之乃命翰林儒臣以天下  
道里之類分方隅之目為八總類為書至是成遂賜今  
名云

洪武十六年癸亥春二月東閣大學士吳沉等進精誠  
錄先是

太祖將享太廟致齋于武英殿召沉等諭之曰朕閱古聖  
賢書其垂訓立教大要有三曰敬天曰忠君曰孝親臣

能忠君子能孝親則人道立矣然其言散在經傳未易  
會其要領爾等其以聖賢所言之事以類編輯庶便觀  
覽至是成進之

上覽之 悅仍命沉撰序書凡三卷敬天一卷取易十章  
書七十二卷禮記三十七章孝經論語各一章忠君一  
卷取易大學中庸各一章書四十六章詩十章禮記十  
四章左傳六章國語一章論語十四章孟子十二章孝  
親一卷取易二章書三章詩九章禮記四十八章論語  
十一章孝經十九章大學二章中庸三章孟子十章  
洪武十九年丙寅春省躬錄成先是

上命翰林儒臣編輯歷代帝王祭祀祥異感應可為鑒戒

皇明世宗本紀 卷之百六 六  
者為書名存心錄朝夕觀覽至是以命贊善劉三吾編類漢唐以來災異之應于臣下者別為一書名省躬錄至是成遂詔刊行之

是年冬十二月癸巳大誥三編成詔頒示天下初上以中外臣民染元俗往往觸犯憲章欲效成湯大誥之制以訓化之乃取當世事之善可為法惡可為戒者著為條目首君臣同遊至頒行大誥凡七十四條

上親為之序先是律成有犯者抵罪至是上曰朕出是誥詔示禍福一切官民諸色人等戶戶有以一本若犯笞杖徒流罪名每減一等遂為令以故議罪得于本罪止有大誥減云已而又慮條誥所載未盡乃

續為一編以申其意首申明五常至頒行續誥凡八十七條使民觀感知所勸懲自是民之作非者鮮從化者多故又作三編大誥首臣民倚法為奸至頒行三誥凡四十三條是冬書成遂頒行之仍著訓曰朕出斯令一曰大誥一曰續編斯上下之本臣民之至寶發布天下務必戶戶有之敢有不敬而不收者非吾治化之民遷居化外未不令歸

洪武二十年丁卯春二月甲辰御註尚書洪範成先是命儒臣書洪範揭於御座之右朝夕觀覽乃自為註至是成諭贊善劉三吾曰朕觀洪範一篇帝王為治之要道也所以叙彝倫立皇極仔萬世叙四時成百谷本於

天道而驗於人事箕子為武王陳之武王猶自謙曰五  
帝之道我未能為朕每為惕然遂疏其旨為註朝夕省  
覽三吾對曰

陛下留心是書上明聖道下福上民則萬世開太平者也  
仍命三吾序其後云

是年冬十月禮儀定式成初

太祖諭群臣曰近者臣僚尊卑多未得宜汝等宜著禮儀  
以為定式於是禮部尚書李原名等取新舊增損條列  
為款一十有四分條三十有七共為一卷遂命頒行天  
下時學士劉三吾董倫皆有序

洪武二十五年壬申秋八月頒醒貪簡要錄于內外諸

司先是

上諭廷臣曰四民之中士最為貴農最為勞士之最貴者  
何讀聖<sup>賢</sup>之書明聖賢之道出為君用坐享天祿農之最  
勞者何當春之時鷄鳴而起驅牛秉耒而耕及甫既種  
又須耘耨炎天赤日形體憔悴及至秋成輸官之外所  
餘能幾或水旱虫蝗則舉家遑遑無所望矣今居官者  
不知吾民之艱至有刻剝而霍害之無人心甚矣於是  
命戶部備錄文武大小官品歲給俸米之數以計其田  
畝出谷之數與日用力多寡而為之書至是編成賜名  
曰醒貪簡要錄遂頒示中外俾食祿者知所以恤夫哉



皇祖之訓真可為貪者醒也後來內外官祿之數名在而實亡實支者十已去其七矣而三分實支且有折絹布者若位早者祿薄將何以責其燕乎是年冬十一月末鑑錄成是書也輯歷代宗室諸王為惡悖逆者以類編之直叙其事頒賜諸王又輯歷代為臣善惡可勸懲者別為書名曰世臣總錄以頒示中外人臣云

洪武二十六年癸酉春三月諸司取掌成先是

上以諸司或有崇卑故政大小無方冊以著成法恐後之蒞官者罔知朕任政事施設之詳乃命吏部同翰林儒臣做六典之制自五府六部都察院以下諸司凡其設

官分職之務類編為書至是成乃賜今名遂敕刊行頒布中外是月又頒稽制錄于功臣初

上即位以來封賞功臣皆稽考前代典禮凡封爵食祿禮儀等差悉做唐宋之制其間因時損益皆適其宜然諸功臣多武夫不知書往往恃功驕恣踰越禮分甚或四情廢法奢侈不度及監玉反因藉其家見其服舍器用僭侈踰制

上召翰林院稽考漢唐功臣封爵人民邑之多寡及名號虛實之等第編輯為書名曰稽制錄

上親為之序以頒示功臣使之朝夕省覽以遏其奢云  
洪武二十七年甲戌秋九月己酉書傳會選成先是

上蔡氏七政左旋及陰陽下民一節註問廷臣時春祿  
權仍以朱熹新說對

上曰朕自起兵迄今未嘗少置涉覽然循儒生腐談因欲  
訂證之於是以前兵部尚書唐鐸薦遂遣行人乘傳徵致  
仕博士錢寧編修張美和助教靳觀至京以試禮部右  
侍郎張智及李士劉三吾為總裁開局翰林院凡蔡氏  
得者存之失者正之又集諸家之說足其未備及書成  
賜今名命禮部尚書任亨忝梓行之然世竟鮮行蓋求  
樂中刊五經四書大全書經一依蔡傳士子業以應舉  
此外遂不復有所考故也  
洪武二十九年丙子冬十一月稽古定制成先是

上以大臣多不遵定制特命翰林斟酌唐宋制度遂定列  
墳瑩碑碣丈尺房屋間架及食祿之家輿服禁例為書  
至是成共為一卷命刊布之

永樂元年癸未秋九月古今列女傳成凡三卷先是  
孝慈高皇后每聽女史讀書至列女傳謂宜加討論刪定  
為書請于皇祖命儒臣考證未就至是

上命儒臣重加編次古今后妃諸侯大夫士庶人妻之事  
分為三卷書成遂命頒之六宮行之天下云

永樂二年甲申夏文華寶鑑錄成是書也輯自古以來  
嘉言善行有益于太子者

永樂三年乙酉春正月十五日

皇明世宗 典義卷之百六

仁孝皇后內訓成是書七十八本首德性次修身次慎言  
次謹行次勤勵次警戒次節儉次崇聖訓次謹賢範次  
事父母次事君次事舅姑次奉祭祀次毋儀次睦親次  
慈幼次逮下九二十篇南雍志云今存者太守內訓三  
十本外又一本不完小字內訓十九本共四十本其三  
十八本云又

仁孝皇后夢感物說第一希有大功德經八十七卷

永樂五年丁亥十一月永樂大典成

先是令解縉於天下古今事物散在諸書條輯自書決  
以來凡經史子集百家至于天文地志陰陽醫卜僧道  
技藝為一書賜名文獻大成已而

上覽之謂其多有未備者乃復命太子少師姚廣孝刑部  
侍郎劉季篔及解縉督其事李王景王達祭酒胡儼洪  
馬揚溥儒士陳濟為總裁侍講鄒輯等二十人副之簡  
中外官及四方宿儒有文學者充纂脩繕寫幾三千人  
凡四歷寒暑而成計二萬二千九百卷一萬一千二百  
本更賜公永樂大典

上親製序文此書後竟以卷帙太繁不及刊布至嘉靖中

復加繕寫凡四五載工費亦稱浩大云

永樂十三年乙丑秋九月輯五經四書及性理大全等

書成

上親為之序先是上謂侍臣曰五經四書皆聖賢精義

清史稿

卷之百六

十一

皇朝通志卷一百一  
妙道其傳註之外諸儒議論有發明餘蘊者尔等承其  
切當之言增附其下其周程張朱諸君子性理之言如  
太極通書西銘正蒙之類皆六經之羽翼然各自為書  
未有統會尔等亦編類成一書務極精備庶幾以垂后  
世乃

永樂十三年甲午夏五月開館于東華門以胡廣等董  
其事命朝臣及在外教官有文學者同纂修仍命光祿  
寺給饌至是成

上謂禮部臣曰此書學者之根本而聖賢精義悉具矣自  
書成朕旦夕宮中披閱不捨所益多矣古人有志於學  
苦難得書籍今之學者得此書而不勉力是自棄也尔

禮部其以朕意曉諭天下學者令盡心講明無徒視為  
虛文

永樂十五年丁酉春三月遂頒布兩京六部國子監及  
天下郡縣學

永樂十四年丙申冬十二月壬申輯歷代名臣奏議成  
先是命楊士奇等採歷代奏疏有裨治道者輯為書至  
是成以進上諭士奇曰致治之道千古一揆君能納善  
臣能盡忠天下未有不治朕觀是書見當時人君之量  
人臣之直為君者以前日之事為今事為臣者以古人  
之心為己心天下國家之福也遂命刊賜

皇太子太孫

未樂十五年丁酉周易直旨成先是

仁宗在東宮卜筮專用揲書而斷以周易凡世俗卜法皆

不用因命楊士奇纂六十四卦二百八十四爻朱氏本

義要旨為一編既建遂賜名已而上奇進曰周易固

為卜筮侏然文王周孔象象十翼之辭允修齊治平為

君為臣之道悉具請編輯以進用備覽閱從之踰年以

進

仁宗賜名周易大義是時徐好古作尚書直旨金幼孜作

春秋直旨皆以進仁宗俱命各置一本于齋閣便殿

寢室以備覽

永樂十七年庚午三月十五日為善陰騭書成是言

百八十本采輯百六十五人今存者百五十六人云

永樂十八年辛丑夏五月十一日孝順事實書成是書

一百五十本歷求史傳孝行可錄者得二百七人今存

者一百三十四人云

宣德三年戊申春三月御製帝訓成

宣宗章皇帝所制也自君德至于藥餌凡二十五類共為

一卷云

宣德七年壬子夏六月御製官箴書成

宣宗章皇帝所制也自都督府工於儒學箴凡三十五篇

其為一卷云

正統十三年戊辰夏五月十二日五倫書成先是

宣宗嘗親采緝經傳百家嘉言善行之有關於君臣父子  
夫婦兄弟朋友之道者類分為六十二卷命曰五倫書  
至是上追承皇考之志命鈔梓以廣其傳

上親撰以序云

天順五年辛巳夏四月大明一統志成凡九十卷先是  
成祖遣使編采天下郡邑圖籍特命儒臣大加修纂未及  
成書上又命吏部尚書兼翰林院學士李賢太常寺  
少卿兼翰林學士彭時翰林學士呂原等重修凡三閱  
寒暑至是成賢等撰表以進

上命名大明一統志親為序之遂刊布天下

按葉文莊云景泰中初修寰宇通志承事實凡例一準

視穆方輿勝覽予竊以為祝氏此書趙宋備安之物未  
可為法况此書初為四六設今欲成盛代繼一之書要  
須有資軍國有益勸戒如地圖道里戶口之類皆未可  
闕必如永樂中志書凡例而充盈之可也主議者其或  
未之思乎近嘗以請于翰林友人則曰當時亦有以戶  
口為言者恭和陳先生執議不從曰此非造黃冊子何  
用戶口耶後聞此書竟以屢題狀元之書可厭而改為  
之矣天狀元及第不問賢否固已不泯顧其人何如耳  
此非科舉錄何為而詳列進士之名又何為而一一書  
狀元豈惟無識其亦類乎愚也已

嘉靖丙戌冬詔纂修大禮全書先是上欲推尊二親

皇明化苑編 卷之五  
命廷議紛紛不決至是禮成遂詔纂修云時詹事府詹事兼翰林院學士桂萼上疏云臣初起復臣兄華尚存謂臣曰

皇上嗣統遵闕祖訓也茲者遽背初詔以閏甲立嗣禮處之此執政之心非大愚即大奸也比入京而進士張懋主事霍繇已言之臣按張懋得見奏疏二篇或問一卷簡暢詳明已無餘蘊特以乃某從中主之大小臣工葉不敢語已而道路之議論京邸之誼譁懋獨當之則事之始未莫有詳於懋者今大禮全書奉命纂修臣竊以為此禮之成皆折衷於

皇上顧編纂雖藉於數人而體裁宜歸於一手如揚一清

者持令相與參訂之於事之本末臣見張懋逐一所錄要畧皆紀實也仍乞下之史館復取各衙門事關大禮卷宗而采擇之就懋逐日所錄者因而致祥之以成一家之言庶一代君臣行事之迹覈而不誣

皇上折衷取舍之功詳而不畧矣書成次於六冊以進折世宗覽謂輔臣張懋等曰朕思斯禮不但行於今日實係乎萬世法欲使明人倫正紀綱所關匪輕若以大禮全書目之似為未善遂更名明倫大典云按大禮要畧上撰也六年正月懋以是書進有旨這所奏要畧送付史館以備纂述也而懋及桂萼又增刊大禮要畧以進

嘉靖七年戊子夏五月明倫大典成先是

皇朝正統編  
御文華殿召大學士費宏楊一清石瑄賈詠等諭之曰  
大禮書未備特命卿等纂修傳之萬世卿等其欽承之  
及是書成

上悅遂命刊布天下時宏等率諸臣表賀表云聖人在  
天子之位作禮樂以化民惟皇建民極之衷本綱常  
以爲治蓋道莫大乎崇本而政必始於正名自有天地  
以來父父子子凡爲日月所照尊尊親親况夫曆數在  
躬之君非大夫以下之比大人世及而不易君子會通  
而能行自夏歷殷歷周統緒正而彛倫明由漢至唐至  
宋議論多而道德隱魏詔起于偏安之際漢議鼓于聚  
訟之餘事拂經常言非定論究其流弊之滋蔓皆緣於

禮之弗精人可遠大不可遠理既順勢亦自順不圖今  
日之盛獲覩大道爲公茲蓋伏遇

皇帝陛下晉明出地離照當天商湯肇修人紀以至手有  
萬邦虞舜察于人倫而爲法于天操三重以撫世議禮  
制度考文秉一德以宅尊敬天勤民法祖當六龍時乘  
之運正五星聚室之期恭摠符光臨瘳極尊

太祖兄終弟及之訓承憲廟子燕孫貽之謀天與之入歸  
之四方丕應而樸志遠有望近無遺萬姓蹈舞以謳歌  
念嚴慈垂罔極之恩詔臣下謙尊崇之典慨群臣之迷  
後執爲後之弥文一傳衆咻牢不可破以非爲是紛然  
同辭賴天理之未亡幸忠言之屢入人紀將墮而復振



廟謨獨斷而告成詔定於三頌直先末世之陋習禮求夫一定聿崇昭代之嘉猷本諸身徵諸庶民而皆從考於前侯諸後世而無惑紹武宗十有六年之紀而兄弟之義盡復獻帝十有五年之嗣而天子之恩完人倫於是乎大明民德翕然其歸厚都宮有奕大廟與世廟相輝祀事孔明大禮與大樂並作既而為心中啓睿思遠圖以人道之大經雖明于今日而人心之迷惑恐誤夫后来爰修大禮之全書昭示明倫之大典綸音兩降編摩用言禮之臣御札時頒筆削求至當之論蓋事必稽其實而文必研其精日繫月月繫年綱有條而不覓史載經經載道理無微而不宜五典存叙出于天本天道

以明人事衆言淆亂折諸聖經以破群疑約文敷義而旨趣自明據事直書而邪正莫掩凡係綱常之要領隨加論斷以判評一展卷而數百人得失昭然不逾年而千百載之典章具矣仰藉神謨之廣運兼承霄藻以發輝有血氣莫不尊親懷仁義以利君父昔唐禮創于房玄齡之輩祇名曰開元暨宋禮成于劉溫叟之儔亦惟曰開室率沿綿載之舊未免承亥之訛豈若揭大典以叙大倫用以伸正氣而明正道屬致中致和之應彰大順大化之符天地山川發祥諸福畢至歲月日時無易百谷用成臣等謬以戩業之關濫叨纂述之任粵自丁亥春王之月訖于戊子夏正之辰才華有愧於三

長意見粗勤於一得仰徹重瞳之覽俯垂率土之觀  
伏願

皇上弘包含徧覆之仁取其善不錄其過擴藏垢匿瑕之  
量舍其舊俾圖其新老老長長而恤孤推絜矩以平天  
下親親 仁民而愛物廣至德以綏萬邦日重華月重  
輪並耀前星之慶岳重輝海重濶丕承上帝之休

嘉靖十三年甲午夏六月命燉儒士安都所撰十九史  
節定凡四百七十卷共成七帙仍着法司從重擬罪都  
河南開封府大康縣人也頗涉諸史因憤中間書法失  
正輒加改釐至是書成以進因上表云於史記則進聖  
賢忠厚之名退奸雄幸逆之列於西漢則立隱逸節義

之類抑黨惡繁猥之儔於三國志則帝蜀漢黜曹瞞正  
統猶存於兩晉則置元昭為弒逆天理復明南北朝繁  
君得國惟存本號隋楊堅挾主有位遂削尊稱分詐武  
后之奸抑本傳錄於國史之末詳記朱温之逆去尊號  
致夫殺君之說削藝祖以國稱名分為之復正附遼金  
於宋史正朔因之有歸奏入

上怒批旨云歷代史書已有正定安都這所掇拾妄議禮  
部參看子未說時尚書夏言駁奏云退屢士進奸雄崇  
勢利而羞貧賤此固之說遷已有成說若乃紀信附高  
帝之紀四皓列王貢之首蓋事蹟雖寡名行可稱則二  
傳兼收包括已盡並能傳之不朽垂美無窮豈必標名

皇明統緒  
立傳然後播其遺烈也諱揚雄為老行言遜稱苟或為  
殺身成仁此班范之曲筆然綱目係雄于奔而不與其  
卒或之自殺特書於曹操至自濡頌之下則褒貶已明  
寒浞已王不間有夏之統昭烈猶存遷滅炎漢之嗣此  
則陳壽之志怨綱目之所更正者也武后不為周紀庸  
戒北鷄之晨中宗紀在房州書用乾侯之法此則伊川  
之正論而范祖禹之所特書者也成濟用刃猶嚴首惡  
之誅司馬殺君特從趙盾之例斯並美刺有善惡自元  
把用夷禮貶同子爵吳楚僭王仍以侯稱是蓋統有所  
存名難輕假至如江右中原南北混淆草壤邊民虜漢  
相雜而欲攢抑史傳換擬聖經謬妄滋甚綱目大書甲

子分註年號各無輕重不相主客其得折中之宜乎綱  
目雖挾主授禪已成一統朱溫本篡君得國其比群奸  
必欲昭示勸戒莫若據事在書纂則書名統則稱帝綱  
目之法蓋猶有春秋之遺焉藝祖受命躬為帝王文軌  
大同正朔一統而欲削其尊號等彼醜類求之人情孰  
云其當遼金附紀通鑑已然猶歸煩言祇增死贅過不  
自量微名當世相應懲治用警所來從之遂有是議  
嘉靖四十五年丙寅秋九月己丑興都承天府志先是  
承天大誌名興都志

嘉靖癸亥春禮科給事中丘岳疏請重脩

世宗大悅遂命翰林張居正等蒐故實于守臣考遺文于

信史編摩付之史館義例斷自聖心又承天府先名安  
陳州凡事蹟散見于一統志內至是遂命儒臣料一統  
志內摘取安陸州採事蹟撮大要編纂增入書成奏  
上特賜名與都承天府志並做兩京之制也時禮部尚書  
高儀等請以承天大誌一部差官獻顯陵以昭  
皇上顯揚至意從之遂命禮部精膳司主事徐廷傑往顯  
陵奉承天大志尊嚴寢室仍給兩京文武百官及南北  
直隸府州縣并十三布政司各一部以宣二聖功德高  
以是擢禮部侍郎隆慶元以考察去  
嘉靖乙丑春二月十三日宗藩條例成  
隆慶元年丁卯夏四月重修永樂大典成

### 鑑古錄

大學士李賢慮前代聖賢之君事蹟浩漫難于遍覽特  
錄堯舜以下二十三君每君摘取所行之最善者數事  
集為一帙名之曰鑑古錄又於每段之後畧為解說數  
句遂以奏

上且曰臣觀

陛下所行之事已有超越前古者若又以此二十三君之  
善蕪而有之則功德之隆直前同於堯舜而光祖宗矣  
王氏鰲曰前代修史左史紀言右史紀動宮中有起居  
注如晉董狐齊南史皆以死守職司馬遷班固皆世史  
官款通知典故親見在廷君臣言定而書之後世讀之

皇明通志卷之七十八  
如親見當時之事我朝繪皆史官之班雖近榜頭亦遠  
在殿下成化以來人君不復與臣下接朝事亦無可記  
凡修史則取諸司前後奏牘分為吏戶禮兵刑工為六  
部事繁者為二部分派諸人以年月編次雜合成之總  
制副總裁刪削之內閣大臣總裁潤色其三品以上乃  
得立傳亦多犯出身官階遷擢而已間有褒貶亦未必  
盡公後世將為所取信乎

大明輿地圖 先吏部員外郎李然所撰也  
即天下土地四夷邊境分為十有七國仍錄其風俗阨  
塞兵賦藩封裝成一冊至嘉靖中大學士桂萼以進且  
疏云法周禮職方氏稍加叙次義無詳畧而冠以是圖

要以見別五服等華夷審方官人任上作貢載農兵諸  
封守與地利鋤人材糾遠逆弼教化協風土時勢之宜  
章彙遠能邇之治皆不出此

皇明沫化類編慶賞之卷

慶賞卷之一百七 附恩蔭

至正乙巳

太祖召宋濂與論賞賚濂對曰天下以人心為本苟得人心帑藏雖竭無傷也人心不固雖有金帛何補于國耶  
洪武某年遣敕賜黃軫家白金百兩附子五枝川椒五斤絹十疋仍復其家軫浙江嘉興人以舉人官平涼其父家居為書寄宇文桂達之書畧云我今稀年又以老景侵尋儻則朝廷容侍親則上章求歸父子相見以盡餘年若宛轉仕途則相見無日矣又云凡事須清心繫已以廉自守食貧處儉儒者之常慎勿以富貴為念古

皇明以化教  
人云貧乏不能存此是好消息當以此言為受用也治  
民以仁慈為心報國以忠勤為本處已當以謙敬學業  
更須勉力暇日即以性理之書及群經留玩自然所思  
無邪須熟讀新律自然守法不感書未及至軫所宇文  
桂因事藉其行李

太祖得其書閱之甚喜遂下詔曰朕起草兼削群雄攘夷  
狄安中國欲致天下承平邇者諸群官吏不畏律法之  
嚴奸弊壘與御史臺管勾宇文桂因事被問囊中所藏  
書信百封盡取目之悉係浙右儒吏獎譽之事言或是  
或非皆欲禍人中間亦有私托求進者嗚呼昔元之初  
得天下人材皆務實學故賢能由公道後元之失天下

世俗皆尚虛名故賊私干權門而用朕多滲艱難備知  
此矣其立法未嘗不嚴而用法未嘗不審然賊吏貪婪  
如蠅蚋之趨朽腐蝼蟻之慕腥膻噫若是者豈非慈父  
失教于平日邪抑其子之不孝不聽父之訓邪今于百  
封書得一善教其子者係浙右登科舉人王軫之父家  
書意望管 宇文桂轉達平涼子之任所書今朕偶獲  
見之書中語言 切教以忠孝子之賢否雖未可知然  
薄俗中有善 為人父者如此誰能出其右哉勸善懲  
惡移風易俗實有國之善治其令中書遣人齎詔往諭  
其家賜以白金等以旌其賢仍令有司除本戶雜役依  
舊應當里長其弓兵不須再徵

洪武六年癸丑春正月丙午

上御武樓召御史中丞陳寧太子贊善大夫宋濂入賜坐  
談嘉祥之應遂敕中使取膏露珠命以爨器用金杓煉  
水二升成膏

上自起取露投下水須臾融化仍以絳紗囊重澆之  
上自飲一爵遂以賜寧濂且曰此天地至和所凝也卿等  
服之

洪武癸亥夏詔定擬文官封贈庶叙之制先是都指揮  
狄崇王臻言妻阮氏等封淑人已沒乞封次妻何氏等  
為淑人詔下廷議太師韓國公李善長等議曰禮莫于  
公分其大于名妾不可為嫡夫人故魯莊公安成風倍

公母也稱為夫人春秋非之蓋古者夫人沒貴妾歸其  
家是不稱為夫人若庶子而貴是比推恩其母亦不可  
稱為夫人比並嫡也今崇臻欲任私意廢大禮亂嫡妾  
之分不可許上從之遂命禮部及翰林儒臣定嫡妾封  
贈例頒示中外於是定議凡正妻在日所娶側室皆謂  
之妾正妻沒諸妾不許再立為妻若以禮聘良家為妻  
者許受封贈前妻無子其所生子即為嫡長子若正妻  
在日無子不再娶而諸妾有子者當以長男襲父職推  
恩其母制曰可已而又詔定封贈例十一其一文官一  
品至七品止封贈散官職事其應封一代者父與子同  
妻從夫貴應封二代者祖降父一級應封三代者曾祖



降祖一級父在任者不封已致仕及亡沒者封之其有  
任棄職就封者聽其二應封父母者嫡母在而所生之  
母不得封嫡母亡得並封若所生母未封不得先封其  
妻其三父母有兩子當封者從其高品婦人因其子受  
封而夫與子兩有官當封者從其高品父母原有官既  
沒而因其子孫封贈者進一階其四應封妻者止封正  
妻正妻亡者亦得追封凡繼室止封一人其五命婦因  
子孫品級封者並加太字若已沒及曾祖父母在者不  
加其六正從七品陞至正從六品封贈一次陞至正從  
五品封贈一次陞至正從四品封贈一次陞至正從三  
品封贈一次陞至正從二品封贈一次陞至正從一品

封贈一次其七曾祖父母祖父父母曾犯奸盜除名  
等罪其妻非禮聘正室或再醮及娼優婢妾並不許  
請其八封贈之後但犯賊私者並追奪其九凡婦因夫  
貴毋因子封授不許再醮違者治之如律其十京官四  
品以上試職實授頒給誥命取自上裁其授誥命者亦  
須滿秩方許封贈五品以下試職一年考方許封贈其  
十一凡在外三年為一考稱職者止許其已身誥勅再  
考稱職者聽請封贈其有才能卓異出自特恩者不在  
此例廢叔之例五其一用廢以嫡長子若嫡長子等殘  
廢則嫡長子孫以逮曾孫玄魚則嫡長之同母弟以逮  
曾玄又無繼室及諸室及諸妾所生者旁廢其親兄弟

子孫又無旁廢其伯叔子孫其二用廢者孫降子曾孫降孫旁廢者皆于應叙品第降一級其三正一品官廢其子於正三用從一品子則從五品用正二品子則正六品用從二品子則從七品用正四品子則正八品用從四品子則從八品用正五品子則正九品用從五品子則從九品用正六品子則于未入流上等職內叙用如行人巡檢司獄司局批驗鈇冶所官之類正從七品子則于未入流下等職內叙用如遞運所驛丞閘壩官之類其四凡職官子孫許廢一人年二十五歲以上能通本經四書大義者叙用其不通者發還習學其五應叙之人各於原籍附近布政司所屬銓注議入

上曰可遂著為制

是年令在京文武官吏人等正旦元宵節錢支與胡椒斤兩不等

洪武二十二年重定賞例公侯伯鈔十錠武職一品二品七錠三品至八品五錠文職二品至六品六錠七品至九品三錠未入流官二錠監生一錠俳優色長一錠樂工二貫樂武生二貫各寺守座住持二錠衆僧一貫先是冬至節錢支鈔不等及是始重定云

洪武二十四年夏五月詔定文武官封贈制時兵部尚書茹瑄等奏曰文武官員封贈舊制一品封贈三代二品三品封贈二代四品至五品封贈一代乃命翰林院

考古制時學士劉三吾奏宋制與今例同從之瑞又奏庶子襲父職例止封贈嫡母所生庶母無封贈乃禮部翰林院同考古制三五又奏宋制母以子貴庶母亦依所生子之秩封贈詔從宋制

洪武二十六年令聖節日在京官吏監生軍民僧道並賜鈔

宋樂元年纂脩

太祖實錄官賞賜監脩官銀一百兩綵幣六表裡織紗衣一套鞍馬一副總裁官銀八十兩綵幣五表裡紗衣一套鞍馬一副纂修官銀五十兩綵幣四表裡紗衣一套催纂庶膳寫官銀三十兩綵幣二表裡紗衣一套催纂

官銀二十五兩綵幣二表裡紗衣一套庶膳寫監生生員儒士各銀十兩鈔三十錠幣一表裡催督官鈔二十錠紗二疋辨事吏各鈔二十錠絹一疋

元宵燈宴

宋樂已丑令自正月十一日為始賜文武羣臣元宵節假十日壬辰正月賜群臣宴許臣民赴午門外觀鰲山燈歲以為常皆賜羣臣觀燈宴

上御午門示御製命儒臣奉和覽而悅之賜以羊酒鈔幣時戶部尚書夏元吉侍毋往觀燈

上聞之遣中官賚鈔二百錠即其家賜之曰為賢毋懼也君臣洽浹太平之盛可想見也如此

求樂十二年令皇親過節令照例賜鈔若大臣不預  
宴公侯伯都督尚書賜鈔一千貫侍郎五百貫宣德正  
統以後遇節令文武官及冰夷人員并國師以下除有  
宴外其餘官吏人等俱照例關支節錢官并監生鈔一  
錠儒士知印吏典僧道樂工二貫若奉旨免宴關與節  
錢大小官員各鈔一錠  
洪熙元年乙巳冬十二月賜禮部尚書呂震子呂熊為  
行在兵科給事中震恃靖難時守成功數于上前陳情  
懇乞熊官至於流涕  
上不得已與之

宣德十年

憲宗皇帝登極賜在京文武群臣及軍民人等銀絹布  
紗公銀六十兩侯伯駙馬五十兩一品二品四十兩三  
品二十兩四品五品遞減五兩六品至九品遞減三兩  
雜職三兩故侯伯之家及未承襲者各十兩將軍校尉  
軍匠人等各二兩優給幼官并紀錄幼軍各於其例減  
半辦事官監生生員人材吏典陰陽醫士樂人各絹一  
疋在京廂民工匠厨役僧道人等各布一疋營造山陵  
軍人鈔一百貫乾魚三斤聽選公差及四夷朝貢人員  
各賜鈔有差

正統元年經筵始開

上命賜宴于禮部其知經筵官賜白金八十兩寶鈔四千

貫文綺四表裡同知經筵侍講官白金五十兩寶鈔二  
千貫文綺四表裡侍班官白金三十兩寶鈔三千貫文  
綺二表裡餘各賞寶鈔有差已而講官各賜廂金玳瑁  
香帶大紅織紗羅襲衣冠履皆具

天順己卯夏四月六日救諸大臣遊西苑遂賜宴皆霈  
醉而歸是秋又命太監裴璠導大學士李賢召原彭時  
及尚書馬昂遊南城仍賜宴

天順四年庚辰賜布政以下賈銓等十人衣服楮幣宴  
于禮部命大學士李賢尚書王翱待宴以勸其衆時天  
下諸臣官吏朝覲至京

上諭大學士李賢曰黜陟之典亦當舉行會吏部奏銓等

才行超卓政績顯著遂有是令

天順五年辛巳端午節賜文武侍臣扇有御製十景七  
言古詩十首凡千一百二十言明年端午賜扇有御製  
消暑解愠二歌大槩言為臣者仰輔

上德俯恤民隱助成代天之績云 黃氏瑜曰國家賜常  
朝官扇竹骨銅釘鉸面寫經傳格言以示訓飭越一二  
日乃召大僚于內殿賜象骨銀釘鉸扇然但畫以物象  
其有御製詩惟此二年為然

天順八年秋賜經筵講官學士柯潛侍講徐溥等各白  
金三十兩寶鈔三千貫文綺二表裡

成化元年

上親視大學賞賜行聖公紵絲衣一套犀帶一條顏孟子  
孫五經博士紵絲衣一套帶一條各紗帽一頂其餘族  
人俱紵絲一套講官祭酒司業大紅織金紵絲羅衣各  
一套監丞以下青織金紵絲各一套監生各鈔五錠與  
吏二錠

弘治元年議封贈繼母例先是寺丞文林請繼父母并  
二繼母救命時吏部尚書王恕議云查得本部見行事  
例凡子應封父母者繼母亦該授封諸司職掌內不  
開有繼母二人三人俱封贈亦不曾開有繼母止封一  
人止有應封妻者繼室止封一人之說今該前因案呈  
到部有得子之於繼母禮有旣長三年之服繼母或一

人二人三人遇有大故為之子者皆當依例守制遇有  
恩典似不可止及一人今寺丞文林請父母并二繼母  
救命揆諸天理民彝似合給與以後遇有應請誥救官  
員或有二三繼母者亦照此例一體請給

上曰諸司職掌原無封繼母之文後來許封一人已是加  
厚了文林救命以照見行事例與他已而主事唐錦舟  
又乞封見在繼母舒氏時王恕又議云看得主事唐錦  
舟係正六品例該封贈父母及妻查得伊故父唐任先  
任吏科給事中已關救命故母周氏故繼母周氏俱已  
封贈孺人訖今本官乞要封見在繼母舒氏若拘常例  
止封一繼母緣前繼母係伊父請給救命所封非本官

皇明初代卷之六  
禮儀考卷之六  
請給勅命之所封今要封其見在繼母亦是止封一繼  
母非二繼也若不准今封其見在繼母止今封其妻使  
其繼母穿着常服坐於其上其妻珠冠霞帔立于其旁  
為子者寧能自安為婦者亦何忍為似非聖朝教人以  
孝之意也合無准令主事唐錦舟封其見在繼母舒氏  
今後該封繼母者止封見在繼母一人若前繼母曾因  
父受封後斷繼母見在亦照此事行例之如此則姑婦  
同榮母子皆安議入

上曰唐錦舟准封見在繼母丘氏濬曰後世大朝賀宴會  
之禮所由起自漢行歲首慶賀禮魏晉以後又有賀冬  
至禮唐中葉又有所謂賀生日禮皆於是日行禮畢設

大宴以享百官我朝禮儀視前代為備文臣四品以上  
及諸學士武臣都督以上皆宴殿上經筵官及翰林講  
讀官尚寶司卿六科給事中暨文臣五品堂上官武臣  
都指揮以上官宴中左中右門翰林院中書舍人左右  
春坊御史欽天監太醫宗鴻臚寺官及五品以上官陪  
祀官宴于丹墀是日行禮畢該官更衣立殿外候

上至升座樂作八拜進花進酒跪候

上飲訖乃起即席簪花啐酒酒凡九進湯五進群臣則殿  
其二每歲三大朝賀及郊祀禮成行慶賀禮凡四舉焉  
遇有故則錫鈔以代宴唯慶成則否臣竊以為正且長  
至遇故免筵可也惟萬壽聖節天下藩服重臣親齎表

賀有自萬里而來者無以望一霑醉酒飽德之恩請命  
禮官舉行之

是年冊立東宮賞賜兩京文武官各分五等一等賜紵  
絲二表裡二等至四等一表裡五等錠一錠公差等項  
官京衛外衛見操官及侍衛帶刀直宿錦衣衛軍等并  
正陽等正九門官軍各銀一两錦衣等所官絹一疋力  
士旗校軍奴并監局軍匠米一石內府軍厨民匠大常  
光祿寺厨役米七斗

是年春賜講官學士程敏政等以白金寶錠已而屢賜  
乘李郁李蓮房鮮筍青梅枇杷楊梅雪梨鮮藕等敏政  
等因記之以詩云黃封畫帶乾清宮朱實平分上死香

七月二十日

上御文華殿後講書畢 上顧中官賜講臣冠帶鞵袍時  
敏政得賜織金雲鴈緋袍一副金帶一及烏紗帽皂鞵  
講臣面謝訖

上顧謂曰先生辛苦咸對曰此皆職分當為頓首退敏政  
有詩記之云日映早暉曉殿清湛恩稠疊駕親臨褒衣  
紅濯天機錦束帶黃分內帑金久幸清班容宦履深慙  
黃髮點朝簪經生職分尋常事消得天恩念苦辛

弘治四年

憲宗實錄成賞賜監脩及總裁官各銀八十兩絲段四表  
裡羅衣一套催纂脩官銀二十兩絲段二表裡羅衣一



套膳錄官銀十五兩絲段二表裡羅衣一套杖掌文籍  
官銀十兩絲段二表裡膳錄監生銀五兩絲段一表裡  
辦事典吏鈔二十錠絹一疋各色人匠鈔二十錠布一  
疋官陞擢事故去任及監生事故去者久近不一賞賚  
有差

弘治五年大學士丘濬陳時政之弊其一欵云有言工  
作之人勞若欲希陞賞者請折之曰國家之於百工技  
藝有官者各有俸祿無官者亦有糧給其所以作勞成  
效皆其職分當為者也因事而不時賞賚秩滿而循資  
陞用可也乃欲一次畢工陞賞國家安得許多官賞錢  
糧哉

上嘉納之

弘治十八年秋九月吏部尚書馬文昇題為厘正封贈  
事云切照我朝諸司職掌內一欵一兩子當封從一  
高者婦人因其子封而夫子兩有官亦從一高者蓋言  
一人生兩子俱任官當封其親者長子官五品次子官  
七品當從其長子五品者封贈其親是謂兩子當封從  
一高者其婦人一子任官當封其母而父亦任官若夫  
之官五品子之官七品當從其子之官而封贈其母是  
謂夫子而有官亦從一高者此指嫡母而言一代定制  
開載甚明不知始有何年有父任尚書或侍郎都御史  
其次室所生子或中進士或由監生等項出身任郎中

皇明法例考錄 卷之五

主事評事太常寺等典簿等官三年考滿稱職該封其  
生母當依母依子貴隨其子之官品封贈今擬其從一  
高者往往將生母從其父之官不分存亡俱封贈夫人  
或淑人是以夫貴而封贈其妾非母以子貴受封之義  
也不可不為改正切惟政治莫先于倫理倫理莫先於  
名分必名分正而後倫理可明前項封贈殊為未當若  
不厘正誠恐因襲年久有乖舊制而貽議後世今後若  
父任尚書侍郎都御史等官次室所生子或任郎中主  
事評事典簿等三年考滿稱職擬給誥勅該封贈生母  
者依母以子貴照子之官品封贈不許再行比例從其  
父之官封贈其母庶舊制不違人心允愜矣制曰可

嘉靖甲子夏四月命太監黃錦王錫各廕窮侄一人錫  
衣衛百戶尚書徐果廕一子入監讀書太監張琮賈胤  
各廕弟侄一人錦衣衛所鎮撫張實等各加恩一等尚  
書雷禮賞銀三十兩紵絲二表裡鎮遠侯顧寰兵部尚  
書楊溥都督朱希孝各銀二十兩紵絲二表裡李登雲  
李遷李永各銀十五兩一表裡胡松萬恭李遂孫鈺各  
銀十兩一表裡姜國華費堯年周浩升俸一級賞銀十  
兩高仲等各升一級郎中曾省吾達其道各五兩以實  
月殿亭告成也  
是年端陽賜大樽徐階以靈符五道艾虎八箇扇三把  
大符六道花綵一條

皇明法例考錄 卷之五

皇明正德...

嘉靖丙寅春二月賜工部尚書徐杲工木大紅飛魚羅衣一襲銀二十兩以御禮畢

是年夏六月庚申舉景元預大典於萬法殿慶成賞成國公朱希孝兵部尚書楊溥等銀幣有差朱希孝楊溥各賞銀二十兩彩段二表裡胡松李隆等各銀十五兩一表裡任俊等各銀十兩一表裡郝永禎等四員張子正等二十六員單輔等二員各銀五兩包文學等四員各銀二兩旗校三百二十七名各布二尺巡輔軍一千一百名各布一疋

是年秋八月大賞勤勞諸臣以洪壇大素二殿成也先是工部以二殿工完具奏乞恩

上悅命太監王賜廕翁侄一人徐杲係木匠尚書廕一子錦衣衛百戶太監張琮賈胤各廕翁侄一人錦衣所鎮撫工部尚書雷禮廕一千八百監讀書都督朱希孝歲增米三十石工部侍郎李遷李登雲各陞俸一級孫鈺陞俸一級鎮遠侯顧寰兵部尚書楊溥安平伯方承裕吏部尚書嚴訥禮部尚書李春芳吏部侍郎董份各賞銀三十兩紵絲二表裡禮部侍郎秦鳴雷高儀吏部侍郎胡松兵部侍郎萬恭各十五兩一表裡張欽等各加俸一級銀十五兩工部郎中曾省吾等各陞俸一級銀十兩閏廷玉等各陞一級麥愷郝耿祥各陞俸一級工部主事陶幼學等銀十兩成國公朱希忠大學士徐偕袁煒銀

皇明正德...

皇明正德...

古

各五十兩二表裡九月初一日尚書雷禮辭廢批旨答  
曰殿建成速費省乃卿督率任事之功恩廢已有成命  
不允已而命太監王昇等往視工九月十四日昇等恭  
報工完又大慶賞王昇廕弟侄一人錦衣衛所鎮撫李  
登雲加二品服色兼陞俸一級給事中鄧楚望御史劉  
思問各陞俸二級賞銀十兩太監黃錦黃錫尚書雷禮  
徐杲各賞銀三十兩紵絲二表裡李遷顧竇各賞銀十  
五兩李階陶幼學賞銀十兩程學博章汝槐各於今職  
加俸一級曾省吾吳一介各賞銀十兩鄭紹等各陞署  
職一級姜廷璠馮符等各賞銀五兩  
是年夏五月命太監王錫加恩二等賈胤一等俱賞銀

二十兩二表裡張實等各賞銀二十兩紵絲二表裡尚  
書雷禮徐杲各賞銀五十兩大紅金綵雲鶴紗  
衣一襲四表裡張守直徐綱孫鈺各賞銀三十兩二表  
裡曾省吾等各賞銀十兩其一介等各五兩朱希忠徐  
階李春芳郭朴高拱朱希孝各銀五十兩二表裡方承  
裕顧寰楊博各銀三十兩二表裡高儀遲鳳朝鮑象賢  
王之誥各銀二十兩一表裡以紫極殿成尚書奏乞恩  
賞

上曰造宮殿工完內外各官効有勤勞命賞之如此  
是年秋七月賜工部尚書雷禮大紅織金雲鶴衣一襲  
彩段二表裡以蓋淨席九月大慶賀賞時玄極寶殿成也是月

朔賞工部尚書雷禮又尚書徐杲各銀五十兩紵絲  
四表裡張守直徐綱各二十兩二表裡侯顧寰兵部尚  
書楊博各銀十五兩一表裡侍郎鮑象賢王之誥遲鳳  
翱各銀十兩郎中曾省吾等張欽等各銀十兩姜廷璠  
王廷憲等十兩王儒等各銀五兩張寧王鯨等各銀三  
兩王保劉棻等各銀二兩陳安等各銀一兩明日遣成  
國公朱希忠奏告上帝禮畢命內監給賞銀五十兩絲  
段二表裡遣駙馬謝詔祭告內殿禮畢命內監給賞銀  
三十兩綵段二表裡又明日新宮始工遣都督朱希孝  
祭告后土禮畢命內監給賞銀三十兩綵段二表裡酒  
饌卓

按弘治中王恕論工完乞忍疏二洪武末樂年間營造  
兩宮城池宮殿山陵及文武衙門有年陞賞管工官員  
臣等固不能知正統年間營建三殿兩殿包砌京城及  
修造各衙門工程若彼浩大陞除匠官不過五六員今  
補修城垣橋梁比之前工不及萬分之一及陞官如此  
之多不亦異乎

賜大第宅

太祖一日念及大臣所居曰大官人必得大第宅即與刑  
部尚書開濟創為之製甚宏燕令有司以此為式俗固  
呼為棧房

是年秋九月初七日大學士徐階差弟徐隣奉

欽賜三星梓童玄帝三聖龍回原籍事奉有旨命隣馳驛去

纂修崇賞

瑣綴錄云崇泰間朝正命仍纂修官職名於文華殿壁時命中貴諸館促完書或取稿

御覽每遇上林南苑進時新果品輒頒賜館中多至五六筐旋報關老同行禮畢乃啓黃柑品分以歸又賞賜燒猪蒸羊

上尊宴勞於東閣皆醞醉直幸與彼其榮蓋一時恩意勸渥前此無有也

關領給賞

允賞賜金銀鈔錠疋帛等金銀於長隨內官疋帛於內承應庫冠帶衣靴干工科工部鈔錠於戶部俱主客司分授關領至日奏聞或於奉天門奉天殿丹陛或華蓋殿用卓頓放引受賜人朝北立置物於前受賜人叩頭畢以物受之如多至十人百人則先以所賜之物唱名分受各人行列叩頭畢仍於該科出帖赴午門例換勘合照出所賜之物仍令次日謝恩

時節給賜

國家每歲端午文武百官俱賜扇并五綵壽絲縷若大臣及經筵官或別賜扇并絲絲艾虎等物以品級為等又每歲各處貢時鮮如青梅枇杷楊梅雪梨藕笋時魚

諸物賜文武大臣及日講官各以品級等為差

凡諸番四夷使臣

國家皆隆之以禮以故使臣至必賞之朝鮮國差來進  
貢陪臣賞織金紵絲衣一套絲段四表裡絹五疋書牒  
通事押物等官每人素紵絲衣一套二表裡絹二疋布  
一疋從人絹衣一套布一疋俱靴襪一雙差來奉事陪  
臣賞織金羅衣一套二表裡絹二疋通事每人素羅衣  
一套一表裡布二疋從人絹衣一套布一疋亦俱靴襪  
一雙暹羅國正副使及通事總管客人番伴初到賞及  
正使衣服紵絲絹靴襪及金銀帶紗絹諸物有差琉球  
國差來正議大夫長皮使者通事從人衣服紵絲及絹

有差來王弟王男衣服冠帶紵絲有差真臘國差來頭  
目并通事總管大長衣服紵絲絹布有差安南國差來  
陪臣鈔絲段織金衣服從人從人鈔絲段鈔羅衣服有  
差日本國差來正副使并僧人居坐土官通事初到賞  
僧衣靴帽及正賞紗羅紵絲絹布銅錢諸物有差爪哇  
國使臣通事頭目人等初到賞織金素羅衣服靴襪正  
賞紵絲羅絹布女使并女頭目亦同其他通貢諸國各  
賞賜有差若木邦八百大甸等土官差來弟男頭目及  
等三品四品鈔一百錠絲段三表裡五品鈔八十錠絲  
段三表裡六品七品錠六十錠絲段二表裡八品九品  
鈔五十錠絲段一表裡雜職并頭目人等鈔四十錠絲

段一表裡通把事頭目每人鈔二十錠綵段一表裡隨  
來土官弟男并把事頭目人等每人鈔二十錠從人伴  
吏每人鈔一十錠凡該賞半表裡者折與潤生絹二疋  
迤北瓦順差來正副使臣每人賞織金衣服一套靴襪  
各一雙議定賞例一等正副使初到賞織金衣服一套  
紅氍帽一頂靴襪各一雙正賞綵段六表裡絹二疋二  
等使臣初到賞正綵段四表裡三疋三等帶牌差使  
臣初到賞同正賞綵段二表裡絹二疋四等使臣初到  
賞絲紵衣一套小男與小衣紅氍帽一頂靴襪各一雙  
正賞綵段一表裡絹一疋五等各頭目差來使臣下從  
人初到賞與四等同正賞綵段一表裡又正副使妻初

到賞織金紵絲女衣靴襪各一雙正賞綵段二表裡絹  
二疋衆使臣妻女賞絹女衣一套靴襪各一雙正賞絹  
二疋從人妻初到賞絹女衣二件靴襪各一雙正賞絹  
二疋自来男子初到賞絹女二件小男與小衣紅氍帽  
一頂正賞絹一疋婦女初到賞絹二件小女與小衣靴  
襪各一雙正賞與男子同後又定賞例一等正副使每  
人賞綵段二表裡絹五疋二等使臣綵段四表裡絹三  
疋三等綵段二表裡絹二疋四等綵段一表裡絹一疋  
俱與紵絲衣一套紅氍帽一頂靴襪各一雙數內婦女  
不與紅氍帽衆衛丞顏衛福余衛凡差來并自来都  
督賞綵段四表裡絹二疋都指揮綵段三表裡絹二疋



指揮百戶所鎮撫頭目每人綵段二表裡絹一疋各織  
金紵絲衣一套各加綵段一表裡舍人每人綵段一表  
裡絹一疋織金衣一套達子每人綵段一表裡絹一疋  
織金衣一套達子每人綵段一表裡絹一疋素紵絲衣  
一套婦女有進貢者每人一表裡絹一疋紵絲女衣一  
套隨來婦女一表裡絹一疋女衣一套以上靴襪各一  
雙奏事進貢都指揮絹二疋綵段三表裡織金衣一套  
指揮每人絹一疋綿布一疋綵段二表裡紵絲衣一套  
靴襪各一雙舍人因事進貢者每人綵段一表裡織金  
衣一套絹一疋靴襪各一雙海西女直進貢都督每人  
賞綵段四表裡折紗絹二疋都指揮每人綵段二表裡

絹四疋折紗絹二疋各織金紵絲衣一套野人女直指  
揮每人綵段一表裡絹四疋折紗絹一疋素紵絲衣二  
套以上靴襪各一雙女直千百戶鎮撫野人女直舍人  
頭目每人折表綵段一表裡絹四疋折紗絹一疋奏事  
來者每人紵絲表二件綵段一表裡折紗絹一疋靴襪  
各一雙哈密都督赴京襲職者加賞綵段絹織金紵絲  
衣并靴襪各一雙進貢使臣分五等一等綵段五表裡  
絹四疋二等四表裡絹三疋三等三表裡絹二疋四等  
三表裡絹一疋布一疋五等一表裡絹一疋俱紵絲衣  
一套靴襪各一雙存留甘州男婦人等有進貢者照五  
等例賞無者每人絹布各一疋奏事使臣不分等第每

入綵段二表裡絹一疋紵絲衣一套靴鞵各一雙  
成化十二年奏准寄住哈密城使臣賞例仍分五等比  
前表裏絹各減其一俱不與衣服靴鞵存留甘州有進  
貢者照前五等例無者止與絹一疋其他吟烈吟三吟  
撒兒沙的贊吟失吟兒吟的蘭掃蘭赤力把力七克力  
把沙把力黑俺力麻脫勿麻察力失幹失卜哈刺怕刺  
失刺思你沙兀兒克失迷兒帖必力思果撒思火壇火  
占若先沙六海牙牙昔牙兒于戎白兀倫阿速阿端雅  
思城坤城拾黑擺音克化天方國日落國撒馬兒罕使  
臣當與哈密同罕束赤介蒙古差來都指揮指揮綵段  
二表裡織金衣一套靴鞵各一雙千之綵段二表裡金

人一表裡俱與紵絲衣一套靴鞵各一雙

隆慶元年春正月內官監太監李芳辭恩命不允芳侍

上于藩府至是上即位首加恩命芳懇辭

上傳旨云朕以爾久侍左右著忠勤特茲錄蔭以示酬獎

宜承恩命益圖稱不准辭

是年夏四月補蔭原任南京光祿寺卿楊維懃男楊文  
縉送國子監讀書維懃子三人次文祈中順天鄉試先  
是嘉靖十八年遇恩例兩京官三品以上俱蔭一子維  
懃已蔭長子文祥送監讀書轉吏部附選至嘉靖二十  
四年未仕病故至是

上即位其第三子文縉遂援嘉靖四十五年五月內有原

任兵部尚書趙廷端以恩例廢弟趙廷璋未仕病故補廢男趙岳生原任兵部侍郎張衍慶以恩例廢男張樸未仕病故補廢次男張槩比例陳乞許之

是夏新漕河工完加尚書朱衡太子少保陞俸一級都御史潘季馴陞左副都御史給事中何起鳴候四品京缺陞用馬森等各賞銀二十兩紵絲二表裡程道東陞二級游李勳等各一級梁孟龍等各於今職上陞俸二級李深等各賞銀十兩紵絲一表裡唐鍊等各五兩王蘭等各陞俸一級胡尚志准復原職致仕河工造成有裨漕務故也

隆慶四年冬十二月北虜俺答執逆賊趙全等九人來

獻總督宣太都御史王崇古以聞詔全等伏誅有旨虜執叛效順內外諸臣運謀宣力功委可嘉王崇古加太子少保兵部尚書兼都察院左副都御史蔭一子錦衣衛正千戶世襲還賞銀五十兩大紅紵絲蟒衣一襲方逢時陞兵部左侍郎兼右僉都御史蔭一子錦衣衛百戶世襲賞銀三十兩大紅飛魚紵絲一襲郭乾加太子少保蔭一子入監讀書賞銀三十兩大紅紵絲二表裡各中虛王遴各陞俸一級賞銀二十兩一表裡陞俸一級賞銀十兩兵拘等各五兩兵科都給事中章甫端陞奉一級賞銀十兩其餘的五兩已而吏部奉

聖諭獻俘禮成內閣輔臣殫忠運謀勞績可嘉茲特加恩

李春芳加吏部尚書俸進中極殿大學士餘官如故高拱加少傅兼建極殿大學士太子太傅尚書如故各廢一子尚寶司司丞啟七瞻加少保武英殿大學士太子太保尚書如故并原任大學士趙貞吉俱廢一子中書舍人已而兵部又奉

聖諭司禮監太監陳洪等日侍左右效有勤勞陳洪馮保加恩二等廢弟侄一人與做錦衣衛世襲正千戶曹憲王臻孟冲加恩一等廢弟侄一人做錦衣衛世襲百戶按全等中國人也逃入虜為響導後俺答有孫曰把都那弟為我所獲俺答日夜思復其孫乃以全等還我遂遣回把都那弟云

成化年間始定在京三品以上官員子孫許一人送監讀書照例出身有志科舉者聽若大臣果有勤勞于國出身特恩錄用其子孫者不在此限

國初因前代任子之制文官一品至七品皆得廢子一人此世其祿備載于諸司職掌凡職官子孫廢叙正一品子於正五品叙用從一品子於從五品叙用二品以下以是為差後乃漸為限惟三品以上及死王事者乃得錄廢無復前代之濫矣

皇明洪化類編諫諍之卷  
卷之百八  
二十三

皇明洪化類編諫諍之卷

諫諍卷之一百八

元至正辛丑秋七月甲子

太祖視事東閣時甚暑坐久汗濕衣左右更衣以進皆經  
澣濯者時叅軍宋思顏進曰主公躬行節儉舊衣皆澣  
濯更進禹之惡衣服誠無以加矣真可以示法于子孫  
也臣恐主公今日如此而後或不然願終始如此 上  
喜曰思顏之言甚善他人能言或惟及目前而不能及  
於久遠或能及其已然而不能及於將然今思顏見我  
能行於前而慮我不能行於後信能盡忠於我也遂命  
賜之幣以彰其直復諭之曰汝在前朝頗有善言為主

皇明洪化類編  
卷之百八

者不能知汝及歸於我數進讜言斯固可嘉思頰因曰  
近句容有虎為害主上既遣人捕獲之令養民間  
日飼之以犬無益上欣然即命取二虎一熊皆殺之  
分其肉下官

洪武二十五年壬申春正月在都御史袁泰奏監察御  
史胡昌等四十一人緘口不言時政王惟名等四人  
闖華不下官

太祖曰言之非難言而當理者為難昌等輩安知其終不  
言乎若闖華不稱我者罷之泰等奏昌等輩心懷諂詐  
不肯言

太祖曰人臣必有關於國之利病民之休戚者言之豈得  
輕易若遽以心懷諂詐罪之此何異張湯腹誅之法及  
上

洪武三十年丁丑春正月己卯陞翰林院脩撰張信為  
侍讀編脩戴葵為侍講

太祖諭之曰官翰林者雖以論思為職然陪列近侍且多  
在朕左右凡國家政治得失生民利病當知無不言者  
唐陸贄崔群李絳之徒在翰林院能正言讜論補益當  
時顯聞後世爾等宜以古人自期毋負朕擢用之意普  
誦此則知我祖宗之開言路甚盛心也後來劉忠文在  
定山舒狀元俱以直諫著可謂其出位以招辱耶  
洪武二年己酉詔孔子惟國學春秋釋奠天下不必通

祀錢唐上疏言孔子百王宗師先儒謂仲尼以萬世爲  
土乞令天下通祀報本之禮不可廢也從之已而  
太祖覽孟子土芥寇讎章謂非人臣所宜言欲去其享祀  
詔有諫者以不敬論且命金吾射之唐抗疏八諫與視  
自隨祖嘗受箭且曰臣得爲孟軻死死有餘榮  
太祖覽其情詞對切爲之動遂復孟子祭仍令大醫院療  
其箭瘡一日召講讀書陸立而講或糾唐章野不知君  
臣禮唐正色曰以古聖王之言陳於陛下不跪不爲倨  
嘗諫官中不宜揭武后圖忤旨符罪於門外終日  
太祖悟賜飯即命撤圖雙槐歲抄云唐之論諫尊孔衛孟  
正色立朝於是乎有可稱矣余竊謂

太祖之納諫有以成唐之忠而可爲訓也 唐字惟明象

山人貌魁梧善飲居嘗以豪杰自負因元亂遂隱年近

六十謁

太祖敷陳王道獻長詩一章稍旨拜刑部尚書云 天順

目錄曰 高廟亦難受諫翰林編脩張耻能直言至不

能容黜爲山西蒲州學正例慶賀撰表 高廟閱表識

其名見其表辭有曰天下有道又曰萬壽無疆怒曰此

老還謗我以強盜二字疑之即差逮來引見曰送法司

問汝更何說張曰臣有一言說畢就死 陛下有旨表

文不許杜撰臣謂天下有道乃先聖孔子之格言萬壽

無疆乃詩經臣子祝君之至情今謂誹謗不過如此聞

其說良久曰此老還嘴強放去竟不問左右相謂數年  
以來讒見容此一人而已 孤樹裏談云

太祖慮朝政有失無人敢言乃立執法議理司以汪廣洋  
李勝端為執法議理官置白牌於上書執法議理四字  
如有失許將牌直言極諫吁此盛世事也未詳何時廢  
之

### 洪武壬申

上訪求通曉曆數占往知來試無不驗者爵封侯食祿一  
千五百石時山東監生周敬心上疏云國祚長短在德  
厚薄非曆數之可定三代有道之長固所定論三代而  
下深仁厚德者漢唐宋而已如漢高之寬仁繼以文景

之恭儉昭宣之賢明光武之中興章帝之長者唐太宗  
之力行仁義宋太祖之誠心愛民是以有道之長國祚  
最長者莫如秦其次如隋又其次如五代始皇之酷虐  
煬帝之苛暴五代之窮荒是皆人事所致豈在曆數惟  
聖上膺天眷命掃滅胡夷救亂誅暴其功大矣然神武過  
於漢高而寬仁不及賢文過於太宗而忠厚不及是以  
御宇以來政教未敷四方未治伏乞放漢高之寬仁同  
太宗之誠慈法三代之稅斂則帝王之祚可傳萬世何  
必問諸小技之人耶又言陛下連年遠征臣民萬口一  
詞如為耻不得國寶敬取之耳臣聞傳國寶出自戰國  
楚平王時以卞和所得之玉琢之秦始秘之名曰玉璽



自是以來歷代珍也。遂有是名。易曰：聖人之大寶曰位。何以守位？曰：仁。是知仁乃人君之寶。玉璽非寶也。且戰國之君，趙先得寶而國不守，五代之君，皆得寶而不旋踵而亡。蓋徒知玉璽之為寶，而不知仁義之為寶故也。天下治安，享國之久者，莫如三代。三代之時，未有玉璽。是知有天下者在仁義，而不在此璽。亦明矣。使兵革數動，軍民困苦，是忽真正之大寶，而惑無用之小寶也。聖人智出天下，明照萬物，輕此而重彼，愛彼而不愛此，何耶？又言：方今力役煩難，戶口雖多，而民勞者衆，賦歛過厚，田糧雖實，而民窮者衆。教化薄矣，而民不悅。所謂徒善也。法度嚴矣，而民不服。所謂徒法也。昔者汲黯言於

漢武帝曰：陛下內多欲而外施仁義，柰何？欲效唐虞之治，呼方今國則頽富，兵則頽強，城池則頽高，深宮室則頽華麗，土地則頽廣，人民則頽衆。於是多取軍士，廣積錢財，征伐之功無虛日，土木之功無已時。如之何其可治也？又言：洪武四年，欽錄天下官，凡十三年，連生胡黨十九年，起天下積年民害二十二年，大殺京民者，妄言罪名，不分臧否。際殺之，豈無忠良烈士、善人君子，誤入各項之中，於茲見陛下之德薄，而殺戮之機深矣。夫自古不嗜殺人者，能一天下，而殺之多者，後嗣不昌。秦隋元魏之君，好殺不已，其後至於滅絕。種類漢時，誤殺一孝婦，致東海枯旱三年。方今水旱連年，不臻大稔。

未必不由殺戮無辜感傷和氣之所致也。又言明王之制賞不僭刑不濫。今既刑濫矣，復賞賜無節。天下老人非功非德，人賞鈔五錠，出征官軍位高而祿厚，平寇禦侮亦其職分。當然今乃賞賜無盡，不計其數。夫厚歛重科窮民困若而濫賜無功之人，甚無謂也。宜節無功之賞，以寬窮民之賦，則天下堯甚其餘。若通鈔法罷充軍等事，約三千餘言，皆切時弊，疏入。上頗納其言。或曰：此征議自此亦稍息矣。呼此敬心之直諫也。太祖齊威聽之，可謂能受盡言。聖神之靈如此。陳諤，洪武間任刑科給事中，遇事剛果，嘗奏事，聲響甚洪，聽者踈然。上令餓之數日，奏對如前，乃嘆曰：此

天生也。每見呼為大生，秀子嘗以直諫觸上怒，命為坎奉天門外，瘞之，露其首七日不死，遂釋。還取陞吏科都給事中。

李祥，舒仲成，皆未樂御史也。嘗奉勅南京理木植稅課之弊時，仁宗為太子監國，有所愛侍臣王汝玉，手涉勅旨，當奏太子命祥等削其人，二人力言不可。萬一聖上有聞得罪，反重遂忤。後汝玉皆獲宥。及上嗣尚書蹇義，因奏仲成他事。上曰：是嘗為御史，臺得南京木植稅課乎？對曰：然。曰：李祥安在？對曰：丁卯憂去矣。時仲成已陞湖廣憲副，即命都察院捕治仲成，士奇聞之。上疏曰：向來小人得罪者多。陛下即位以來，皆已宥。

之今又追理前事即詔書不信漢景帝為太子待詔簡  
縮稱有命不赴即位進用縮前史懸之 上覽之喜即  
罷治仲成仍降勅獎諭士奇賜未及鈔幣面諭之曰有  
卿盡心如此朕復何憂

陳祚姑蘇人登進士永樂時任河南參議與分巡交章言

事編置均州大和山且十年宣德初起為御史疏請上  
讀大學衍義 上怒曰蠻啞朕不讀書大學且不識豈  
堪作皇帝乎并逮其妻子族人繫獄五年赦出復發遼  
府不法事又下獄出又劾法司亂成法吳文定曰陳御  
史忠義之心剛大之氣踏而復奮幾死不悔天下想望  
其風采云竊觀禮有三諫不聽而去之文祚之諍也蓋

不啻三矣君子亦諒其心而非取其中也

洪熙元年乙巳春詔復大理寺少卿七謙朝參遂令百  
官言事謙山西代州人累任有聲至是

仁宗即位日隨朝必言事辭頗剴直 上厭其矯激時尚

書呂震兵中都御史劉峴等惡之因於 上前交譖其

賁直請罪之獨楊士奇曰謙不諳大體則有之然其心

感陛下超擢之恩欲圖報效主聖則臣直唯陛下容之

不然進言者將以書戒為矣 上不憚遂免謙朝參專坐

司治事既而月餘群臣入朝無一奏言者 上召士奇

諭曰卿料事不虛自免弋謙朝言者不至豈果無可言

對曰臣下孰不懷進言納忠之心唯陛下寬容以來之

遼命士奇即榻前草勅引過詔謙仍舊朝參令百官言  
事毋以謙為戒因謂士奇曰朕有過不難于改雖一時  
不能容然終知悔爾知朕心毋吝於言是年夏五月改  
翰林侍讀李時勉羅汝敬為監察御史時勉上疏言時  
政甚迫上怒命武士撲以金瓜十六七脅肋已斷其  
三曳出不能言汝敬亦以言事遂俱改御史既而時勉  
章復三入遂繫錦衣衛獄宣宗即位後一日以時勉  
言事激先帝怒命左右械入親鞠之俄而命錦衣指  
揮王某往禍且不測王受命甫出而時勉已至適上  
退近臣某就時勉問故時勉具告以忠實之心上出  
問之某亦具以對上稍悟遂令時勉仍繫獄蓋王指

揮與時勉相失於端門左右而王又立候長安門久之  
始得守衛者云罪人入久矣王亟退時勉已得甫生先  
是時勉脅折向內不相着及用挺棍而斷骨忽自接臥  
病一月而愈觀二事皆忠誠所感自天祐之云

景泰元年庚午八月十一日英廟自虜還將入境時  
千戶龔遂榮具揭帖達之大學士高穀大畧言上皇之  
出非遊畋無益為宗社計耳今都人一聞駕旋無不喜  
躍則人心尚未厭上皇也今日奉迎禮當從厚上  
當避位而後受命乃可不然恐千載史書難洗署其屍  
云書上修史先生而逸其名時尚書胡濙得之以遺高  
學士即袖入朝出與文武重臣聚觀皆驚駭衆因謂胡

公曰連日言迎復上意屢以虜情多詐為疑此所言  
若封進或可感動上心胡公以為然走質之都御史王  
文文曰匿名文書不得言又以告少保于謙于第言使  
封進亦無妨蓋其意亦持兩端云衆因借禮科草疏回  
上之題其疏謂告言入罪蓋以破匿名之說耳俄而有  
旨繳進時胡濙已因王文言不可進還之高矣乃復取  
以進王文有憂色曰諸公勿累小子喫牢飲也學士陳  
循見之恚甚請捕治之遂榮自首詔下錦衣衛議獄時  
門謝二鎮撫議以當具奏而不具奏坐不應尋會赦得  
釋揭帖亦畱中夫遂榮一疏大義耿耿原其激烈之心  
豈畏直奏第孤寒之言未必遽入而上所親信者有

二三大臣焉故欲借力同上庶妨於感動耳惜高于二  
公尚未肯力念也而况其他乎吁於遂榮乎何惜  
景泰二年辛未冬文淵閣辦事中書舍人何觀上疏言  
大臣舊老如少保于謙吏部尚書王直及胡濙等正統  
中皆附權奸今此老滑不宜在左右及言此虜之來朝  
宜驅致于南方疏入有旨命六科十三道會議以聞時  
吏科給事中毛玉當屬稿玉奏謂觀誣陷大臣擅開邊  
釁宜明正觀罪以為進言虛妄者之戒同列季聰請易  
之不從聰亟以告兵科給事中葉盛盛往索稿閱之謂  
曰觀聖致之說固踈謬其前老猾意在大臣但連權貴  
中人激怒在此然終是言者諸君當熟思之稿須再易

王執如初盛力言之王又曰覲考滿不得陞私憾吏部  
爲此蓋時有大臣新遷吏部者嫉科道爲此說也王與  
盛雅厚因附耳喻此意盛竟言必再易王曰君柰何執  
款右觀盛曰朝廷大開言路未嘗罪一言者鉗怒觀猶  
今我曹看議蓋盛德也君獨不念劉球乎球之死人至  
今罪王振馬順諸君而爲此雷霆之下萬一不測則是  
我曹爲之而朝受不容言者之名且諸君亦言官獨不  
爲他日身計耶王意稍解盛乃于稿抹去誣陷等語且  
益云指大王直等爲老滑衆是之議入有旨令錦衣衛  
杖覲調外任明日葉盛道遇錦衣門鎮撫與謝鎮撫二  
人言及杖覲事對曰彼何可深罪杖惟具數耳盛因嘆

曰兩人所有較之玉不霄壤具耶竊謂若門謝二鎮撫  
者前獄遂崇而薄其罪今杖何觀而出其死曲護善人  
真武弁中之人傑云

賈斌山東商河縣人景泰初充山西行都司天城衛令  
史先是王振有寵用事初臣魚敢訟其非土木變後斌  
上疏云漢桓帝不任賢臣權歸宦官唐文帝忽於良士  
受制家奴宋之徽欽從虜北行亦闍寺用事之所致也  
太上皇帝失位去國皆由倚托匪人然群臣無一捐生以  
赴難者事君能致其身豈空言歟皇上肇登寶位宜法  
高皇帝以爲治事無大小悉經宸斷除去竊柄闍人專  
備掃洒凡阿諛者必斥之端木潞源謹終如始則天下

臣謹按春秋而知君心之所感天心之所應有如響之  
一新矣臣于歷代自諫盡忠守節之士與恃寵宦官撮  
其尤者錄為四卷名之曰忠義集伏乞刊布臣僚必能  
觀感以興起其忠義之心而宦者亦不得縱其奸宄之  
私矣疏入下廷臣議時禮部尚書胡濙覆奏云斌言雖  
有理然章皇帝御製臣鑑錄已行頒給足為勸戒所編  
不必刊布且斌擅自離役欲送法司問罪誠恐阻塞言  
路今發回原衛仍行天下在官之人建言不許擅離職  
役違者罪之機密事不在此例制曰可斌回衛後莫  
知所終

脩省疏

劉球

蒼聲影之隋形而國家成敗興衰莫不係之董子所謂  
國家失道天乃先出災害以譴告之不知自省又出怪  
異以警懼之此天心仁愛人君欲止其亂也人君遇天  
戒豈得不嚴於脩省哉昔者桑穀生朝大戊脩政而啟  
道興雉雒於羿武丁正德而啟邦靖旱魃為虐宣王脩  
行而王化行皆能脩省以奉天誥天災之降不為其國  
害反為其國福也昨者雷震奉天殿鳴吻 皇上素服  
繫朝下罪己之詔出省躬之言令群臣各脩厥職脩省  
之意致矣固足以答天心而弭災興矣臣竊以為今日  
脩省之所先者其有十其一勤聖學以正心德自古  
聖哲之君

身動化類絲  
問學於一切  
昭着心得其  
自者是也臣  
御經筵之日  
外惟數進儒  
平之道使學  
不順也其二  
移故

太祖 太宗每早朝罷及晚午二朝必進大臣於左順門  
或便殿親與裁決庶政或中有疑則召掌機務之臣商  
確之而自折其衷所以權歸於上 皇上臨御九年事

體日熟願守 二聖之成規復親決之故事庶幾權綱  
有歸而政惟一也其三別賢否以親政事諸君孔明曰  
親賢人遠小人此先漢所以興隆也故願治之君而益  
其明惟分別之不可不精今內外之臣不能無賢不肖  
之分惟 皇上察之於已詢之於人果賢而可親也則  
親之果不肖而當遠也即遠之則君子日進小人日退  
矣其四選禮臣以隆祀典今之大常即古之秩宗必得  
寅清端重明習禮典儒臣為之然後可交於神明故舜  
命伯夷伯夷猶讓於夔龍誠以是職不易稱也今太常  
卿與少卿久缺未選無乃享祀之禮有乖宜選儒臣為  
之庶祀典克脩其五嚴考覈以督吏治自三代以下省

東坡志林卷之四十一  
上



方之禮廢而郡縣之吏不敢肆田野之民得其安者以  
數遣繡衣采訪等使巡行郡縣以察吏得失問民疾苦  
也洪武永樂間亦嘗行之近年多付此任於布按二司  
及巡按御史其為考察徒文具爾以故吏無善政民多  
失業至於軍衛之臣為害尤酷宜選擇公明廉幹迂臣  
分行天下自三司郡守而下無分文武官吏俱得考察  
其果奸墨無狀其實黜退若有庶能仁恕治行過人亦  
具奏乞旌其庶人有勸懲而吏治脩舉其六慎刑罰以  
彰憲典古者人君不親刑獄而悉付之理官書所謂予  
曰辟爾惟不辟予曰宥爾惟不宥惟厥中蓋恐徇喜怒  
有所輕重於其間以致刑失其中也近者法司所上獄

狀有奉敕旨減重為輕加輕為重者法司既不敢執奏  
至於訊囚之際又多有所觀望以求希合 聖意是以  
不能無枉臣竊以為一切刑獄宜從法司所擬設有不  
當調問得罪則罪其原問之官其運磚納米贖罪等例  
亦非古法且使貪者得以幸免而庶者蒙辜宜令法司  
今後文武之臣除犯公罪許贖其餘俱依律問擬則刑  
罰當而憲典章矣其七罷營作以蘇人勞夫土木之工  
不息則天地之和有乖故春秋於勞築之事悉書以示  
戒者為此也今京師營作之興已五六年雖不煩民而  
皆役軍然軍亦 國家赤子湏之禦暴而赴闔豈宜獨  
後而不加恤况各衙門皆已更新宜罷其工度人力得

蘇其八寬逋賦以憫民窮周禮荒政十二薄征其一也  
近者報水旱災荒乞減租稅而有司多不准減或准亦  
徒事虛文使民不得受其實惠以致窮困流徙者日益  
多宜令戶部遇有報荒即與勘實量減其租仍思所以  
安養流民使不失業庶民窮有濟其九息兵威以重民  
命且夫兵凶器動必傷人不可輕舉漢高帝以武定天  
下非不善兵然被匈奴白登之挫終不報怨以兵興必  
傷人也如麓川連歲用兵死者十七八軍賞爵賞不可  
勝計今瘡痍未瘳又遣定西侯將貴總之以從緬甸受  
其所拘首寇思任發借使彼言果信得寇以歸不過獻  
諸廷碾諸市裒諸達道而已然彼挾以爲功必期與木

亦分有麓川地不與則致怨與之則兩夷土地人民各  
增其半其勢坐大將不可制是滅麓川生二麓川也該  
有蹉跌則兵爭無已死者必多臣見  
皇上每錄死囚多憫之而令充軍仁心若此真足與天地  
好生之心合矣今欲生得一失地之窟寇而驅十餘萬  
無罪之人以就死地豈不有乖於好生之仁哉况寇乎  
思機發在麓川已嘗遣人來貢非無悔過祈免之意若  
勅靖遠伯王驥遣人往諭緬甸不煩動衆生致此寇只斬  
寇首來獻即與厚賞仍令思機發盡削四面之地分與  
各寨所附之夷掌之許以小職使仍居麓川則兵不用  
而此方可自寧息臣以爲宜召還蔣貴并止四川湖廣

貴州之兵用全衆萬生靈之命其十脩武備以防外患  
大易有曰思患而預防之蓋能防患於前斯可無患於  
後今北虜比年入貢然遣來之人歲增無減其包藏禍  
心誠所難察一旦率比烏合之衆長驅入寇爲患也深  
不可不預防之莫若於今閑暇之時數遣給事中御史  
於在京及沿邊閱督操備預使借工各廠及服役私家  
軍士悉就訓練仍公武舉之令以求良將定召募之法  
以來武勇廣屯田之規收中益之利以厚儲蓄庶武備  
無缺而外患有防凡此十者皆今日之急務所以感上  
天之昭格致太平之福慶者意誠在此  
天順元年丁丑夏五月逮御史張鵬楊瑄并十三道於

錦衣衛獄時右亨曹吉祥等恃寵恣橫朝野以日無敢  
指斥者先是瑄自河間印馬還京劾奏亨吉祥家人占  
奪民田乞加禁飭疏入 上覽之謂內閣曰御史敢言  
如此實爲難得命戶部覆實以聞於是十三道御史張  
鵬等合章糾亨不法事時有無耻都吉事王鉉附亨  
潛以告亨亨疑主其事者內閣也遂與吉祥對上泣訴  
其迎駕奪門之功被有貞等忌陷且言鵬乃已誅奸臣  
內官張永從子故結詆臣 上大怒命收鵬及瑄并十  
三道御史悉下錦衣衛獄且究主使之者錦衣衛承旨  
遂奏右都御史耿九疇副都御史羅綺附內閣徐有貞  
李賢等主諷爲之詔皆繫獄是日晚天大雷電雨下如

皇朝通志卷之五十一  
言諸志卷之五十一  
注大風拔木頃刻平地水數尺吉祥門有大樹皆折亨  
宅亦爲水陷京師震恐詔曰詔有貞等出獄尋有制徐  
有貞李賢降參政耿九疇降布政使羅綺亦降參政御  
史盛顛等調知縣楊瑄張鵬謫代遼東缺衛然言路自  
此不通矣石亨曹吉祥遂得益恣以有他日之變但是  
時非有感召天變如此之速恐縉紳之禍不帝降戍已  
也

天順五年辛巳秋大學士李賢請開言路從之先是石  
曹用事御史張鵬等以論劾得罪遂杜諍口致權奸得  
肆釀不軌及是二人繼誅賢言于上曰曹賊就擒此非  
小變宜詔天下一切不急之務悉皆停罷自古治朝未

有不開言路者慮臣下不肯進言有設敢諫之鼓誹謗  
之木或導之使言或諉不言之刑以快之有直言者或  
旌異之褒獎之賞勞之陞用之以勸其言然後臣下始  
肯進言且進言者不過君德之虧欠朝政之闕失與天  
下生民之利害文武百官之貪暴奸邪皆是有益於國  
家之事於已無益也不但於已無益又恐觸之怒而得  
罪焉聖帝明王有見於此故惓惓務求言惟恐不得聞  
其失也惟奸邪之臣惡其厲已必欲塞之以肆其非爲  
莫敢誰何由是覆宗絕嗣陷於大惡而不悟也英宗曰  
此事曹吉祥石亨張軌楊善輩實爲之今可於詔書內  
開列遂詔天下開言路大學士王鏊曰國初制律風憲

官挾私彈事罪如誣告人加等反坐洪武永樂宣德間  
 未有敢挾私彈劾人者正統初頒行憲綱亦禁挾私言  
 事又禁彈劾大臣生殺予奪出自朝廷不用再劾是以  
 當時有直言敢諫之臣而無舉親劾讐之事如解縉之  
 於永樂弋謙之於宣德劉球之於正統有忠直之無罪  
 私至於聽大臣指使作鷹犬搏擊人如晚宋之風者則  
 幾聞焉又如朝廷已知臣下奸惡亦必令言官彈劾而  
 後加罪者猶未聞也始自徐有貞等乘  
 英廟復辟之初欲害于謙等始假六科十三道都給事中  
 王鎮等之奏以為獄案後

此端一開遂不可改而鷹犬之輩從此出矣王氏之  
 其重有感乎

